

Bun-sgoil Ghàidhlig Inbhir Nis
An Slag Buidhe
Inbhir Nis
IV2 6BA



Bun-sgoil Ghàidhlig Inbhir
Nis
Slackbuie
Inverness
IV2 6BA

A Phàrant Chòir

Tha sinn a' cur fàilte air ur pàiste do Bhun-sgoil Ghàidhlig Inbhir Nis - a' chiad sgoil Ghàidhlig a chaidh a dhealbhadh a dh'aon ghnòthach le Comhairle na Gàidhealtachd - agus tha sinn an dòchas gum bi e/i gu math toilichte anns an sgoil agus gun còrd an ùine anns a' ghoireas ùr seo ris/rithe.

Ann am Foghlam tro Mheadhan na Gàidhlig tha sinn airson slighe a-steach a thoirt dhur pàiste do dhualchas beò agus beairteach agus airson comasan smaoineachaidh ur phàiste a leudachadh gus uinneag eile a thoirt dhaibh air an t-saoghal tro ionnsachadh ann an dàrna cànan. 'S e aon de na prìomh amasan againn aire ar cloinne a thoirt do na nithean air a bheil coluadair na h-Alba a' cur luach. Feumaidh clann na nithean seo ionnsachadh agus leasachadh. Tha an curraicealam na mheadhan cudromach airson an leasachadh pearsanta seo a bhrosnachadh. Tha pearsa fa leth aig gach pàiste; tha cuid dhiubh misneachail air neo diùid, tha cuid dhiubh nan luchd-treòrachaidh air neo nan luchd-leantainn agus tha a h-uile pàiste ag ionnsachadh aig astar eadar-dhealaichte. Mar sin, tha sinn airson clann fhaicinn mar phàistean fa leth agus tha sinn ag amas air farsaingeachd de ghnìomhan anns am faod iad soirbheachadh. Tha seo air a dhèanamh le dòighean teagaisg a tha stèidhichte air a' chloinn agus air ceithir builean Curraicealam airson Sàr-mhathais agus tha sinn airson comasan na cloinne a leasachadh nan luchd-ionnsachaidh soirbheachail, daoine misneachail, saoranaich ciallach, agus compàirtichean buadhach.

Tha na duilleagan a leanas a' toirt sealladh geàrr air na tha sinn a' feuchainn ri dhèanamh. Ged-thà, bu toil leinn nan cuireadh sibh fios thugainn cho trath 's a thogras sibh tro oifis na sgoile (Fòn: 01463 725 980), ma bhios sibh airson tadhal air an sgoil, fiosrachadh sam bith a bharrachd iarraidh mun sgoil air neo bruidhinn mu uallaichean sam bith a tha agaibh mu fhoghlam ur pàiste. Air an làimh eile, faodaidh sibh tadhal air làrach-lìn na sgoile aig bunsgoilghaidhliginbhirnis.wordpress.com far am bi fiosrachadh ùr sam bith mun sgoil air a chur suas gu cunbhalach.

Tha sinn airson obrachadh ann am compàirteachas leibh airson gun coilean ur pàiste na comasan aige/aice ann am Bun-sgoil Ghàidhlig Inbhir Nis.

Le deagh dhùrachd

Ms Annika Jansson
Ceannard san Eadar-ama/ Acting Head Teacher

CLÀR-INNSE

1.	Fàilte
2.	Clàr innse
3.	Amasan na Sgoile
4.	An Sgoil; Bracaist; Club an dèidh na Sgoile
5.	Luchd-obrach
6.	Comhairle nan Sgoilearan agus nam Pàrantan
7.	Latha na Sgoile; Clàradh
8.	Oideachadh
12.	Measadh, Clàradh agus Pàirteachadh
13.	Dàimh ri Pàrantan; Frithealadh
14.	Tinneas tron Latha; A' brosnachadh modh math
15.	Poileasaidh air Burraidheachd; Aodach-sgoile
16.	Aodach Cleasachd; Rudan Luachmhor; Dinneirean sgoil; Bocsaidhean bidhe; Uisge
17.	Co-cheangal ris na h-Àird Sgoiltean
18.	As dèidh na sgoile; Comataidh Rianachd
19.	Miosachan na Bliadhna
20.	Droch Shìde

Leirsinn Cunntas Barantais

Ann an coimhearsnachd Bun-sgoil Ghàidhlig Inbhir Nis, tha sinn a' cur meas air a h-uile neach le bhith mothachail air am feuman fa leth a thaobh na Gàidhlig, ann an àrainneachd thaiceil. Tha sinn modhail, cothromach agus deònach èisteachd, agus a' cur air adhart feallsanachd far a bheil luach air a h-uile neach.

Is iad seo amasan Bhun-sgoil Ghàidhlig Inbhir Nis. Tha sinn airson:

- gum bi an sgoil na h-àite cùramach, sàbhailte agus beòthail far am bi a h-uile duine a' faireachdainn gu bheil a' cur **luach** orra nan dòigh fhèin.
- **cultar Gàidhlig** a bhrosnachadh.
- **soirbheachadh** pearsanta a chomharrachadh.
- a' chlann a chuideachadh gu bhith fallain, toilichte agus deònach a bhith ag ionnsachadh fad am beatha.
- tachartasan **ionnsachaidh agus teagaisg** a thoirt seachad a tha a' brosnachadh ionnsachadh gnìomhail agus a strì gus ìrean coileanaidh àrdachadh.
- com-pàirteachas agus **co-cheanglaichean a bhrosnachadh** còmhla ri buidhinn Ghàidhlig agus a' choimhearsnachd agus anns an fharsaingeachd.

Deit a chaidh na h-amasan a sgrùdadh: An Lùnastal 2010.

Deit lèirmheas: An Lùnastal 2012

Chaidh na h-amasan a leasachadh agus an sealltainn don luchd-teagaisg, na sgoilearan agus na pàrantan.

Bha Bun-sgoil Ghàidhlig Inbhir Nis air a togail mar phàirt dhen phrògram togail PPP aig Comhairle na Gàidhealtachd, chaidh crìoch a chur oirre anns a' Chèitean 2007 agus chaidh a fosgladh do sgoilearan anns An Lùnastal 2007. Chaidh dà sheòmar-teagasg ùr a thogail anns An Lùnastal 2010. Chaidh an togalach a thogail airson 200 sgoilear a ghabhail le naoi seòmraichean-teagasg agus àiteachan coitcheann eile. Tha sgoil-àraich innte a ghabhas 30 pàiste anns gach seisean. Tha talla-sgoile ioma-chleachdadh ann le suidheachan ann an stoidhle taigh-dhealbh agus stiùdio-clàraidh ri thaobh agus tha iad seo fosgailte do chleachdadh na coimhearsnachd.

Chaidh pàirce nan càraichean agus an t-àite leigeil sìos a dhealbhadh airson 's gum faod trafaig falbh is tighinn gu sàbhailte. Tha seòmair ghoireasan ann do phàrantan a dh'fhaodas pàrantan a chleachdadh rè latha na sgoile airson an ionnsachadh fhèin. Chaidh an togalach fhosgladh gu h-oifigeil air 11 Am Faoilleach 2008 leis a' Bhall Fìor Urramach Ailig Salmond BP BPA, Prìomh Mhinistear na h-Alba.

Tha 155 pàiste anns an sgoil air an t-seisean seo (Am Faoilleach 2012) ann an Clasaichean 1 gu 7, ann an sia de na naoi seòmraichean-teagasg le 70 pàiste, aois 3 agus 4, clàraichte anns an sgoil-àraich. Mar thoradh air iarrtas airson àiteachan ro-sgoile a tha a' sìor fhàs, agus cùram chloinne fad latha, tha aon de na seòmraichean-teagasg ga chleachdadh airson seisean sgoil-àraich a bharrachd anns a' mhadainn bhon Ghearran 2008.

BRACAIST/CLUB AN DÈIDH NA SGOILE

Tha an sgoil na pàirt den sgeama aig Comhairle na Gàidhealtachd airson cùram chloinne fad latha, agus faodaidh pàrantan an goireas seo a chleachdadh air làithean na seachdain bho 8.05m gu 5.45f.

Club Bracaist - Diluain gu Dihaoine ~ 8.05m gu 9.15m

Club an dèidh na Sgoile ~ às dèidh na sgoile gu 5.45f

Tha na goireasan seo ri fhaotainn aig àm na teirm a-mhàin.

Bidh a' chlann a tha a' frithealadh Club an dèidh na Sgoile còmhla ris a' chloinn ann an cùram chloinne fad latha ann an seòmair mòr na sgoil-àraich far am faigh iad caochladh de ghnìomhan a dhèanamh a fhreagras air an aois agus na h-ùidhean aca. Tha tuilleadh fiosrachaidh ri fhaotainn ann am bileag fa leth bho Oifis na Sgoile.

LUCHD-OBRACH (2011-12)

A' Bh-Uas A Jansson	Ceannard san Eadar-ama
A' Bh-Uas L Walker	Iar-cheannard san Eadar-ama
A' Bh-Uas M NicChoinnich	Tidsear Clas 1
A' Bh-Uas M NicThòmais	Tidsear Clas 1/2
A' Bh-Uas C Nic a' Phiocair	Tidsearan Clas 2/3
Mgr E Kelly	Tidsear Clas 3
A' Bh-Uas L Nic a' Ghobhainn	Tidsear Clas 4
A' Bh-Uas J NicÌomhair Boag	Tidsearan Clas 5/6
A' Bh-Uas M Sadler	Tidsearan Clas 6/7
A' Bh-Uas N Meredith	Tidsear Taic-ionnsachaidh

A' Bh-Uas S NicAsgaill	Taic-ionnsachaidh
A' Bh-Uas M Davidson	Taic-ionnsachaidh
A' Bh-Uas A MacLaren	Neach-taic teagaisg
A' Bh-Uas MA NicLeòid	Neach-taic teagaisg
A' Bh-Uas P NicDhòmhnaill	Bàn-chleireach
A' Bh-Uas M Davidson	Bàn-chleireach

Sgoil-àraich/cùram cloinne:-

A' Bh-Uas A M NicDhòmhnaill	Neach-obrach sgoil-àraich
A' Bh-Uas S Nic Asgaill	Neach-obrach sgoil-àraich
A' Bh-Uas R Bain	Neach-taic sgoil-àraich
A' Bh-Uas T Nic an Tòisich	
A' Bh-Uas N Fhriseal	Neach-taic sgoil-àraich
A' Bh-Uas F NicChoinnich	Neach-taic sgoil-àraich
A' Bh-Uas F Nic a' Ghobhainn	Neach-taic Club an dèidh na Sgoile
A' Bh-Uas F Gleeson	Neach-taic sgoil-àraich

Luchd-tadhail/ Visiting tutors

Mgr R Lusher	Neach-cìuil
A' Bh-Uas L Hay	Neach-teagaisg na pìoba

Cidsin na sgoile

A' Bh-Uas F NicChoinnich	Còcaire
--------------------------	---------

Goireasan Morrisons

Mgr C Lyall	Dorsair/Neach-taic Rianachd Ghoireasan
-------------	--

COMHAIRLE NAN SGOILEARAN

Tha Comhairle nan Sgoilearan a' toirt cothrom do sgoilearan a dhol an sàs ann am beatha na sgoile agus tha e a' toirt cothrom do na sgoilearan misneachd agus sgilean conaltraidh agus deasbaid a leasachadh. Tha Comhairle nan Sgoilearan na buannachd dhan sgoil air fad. Tha e a' toirt cothrom don chloinn na faireachdainn aca a chur an cèill gu luchd-teagaisg agus luchd-obrach na sgoile agus làmh a bhith aca ann an co-dhùnidhean sam bith.

A bharrachd air Comhairle nan Sgoilearan tha dòighean eile anns am faod sgoilearan a dhol an sàs ann am beatha na sgoile, is iad Sgoilearan-faire, Eadar-mheadhainearan Chomhaoisean, Caraidean agus Eag-comataidh na sgoile. Tha na sgoilearan a' faireachdainn gu bheil na buidhinn seo a' toirt guth dhaibh agus barrachd dhleastanas anns an sgoil. Tha urram ga thoirt do shoirbheachadh le bhith a' toirt seachadh theisteanas agus ag obrachadh gus Càirt Òir fhaotainn. Tha siostam taighe ga ruith anns an sgoil a tha a' brosnachadh obair ann an sgioba, le cuach (air a thoirt seachad le Comataidh na Gàidhlig aig na Roinn na Gàidhealtachd airson fosgladh na sgoile a' chomhearrachadh) ga thoirt seachad aig deireadh na bliadhna. Tha seo a' cuideachadh nan sgoilearan le bhith a' cumail ris agus a' cur air aghaidh riaghailtean na sgoile. Tha Comann Gàidhealach Inbhir Nis air cuach a thoirt dhan sgoil airson na sgoilearan a bhrosnachadh gus Gàidhlig a bhruidhinn. Tha a' chuach seo air a thoirt don sgoilear a tha air an oidhirp as motha a dhèanamh aig co-thionnal gach seachdain.

COMHAIRLE NAM PÀRANT

'S iad seo na leanas buill phàrant BSGI airson 2011-12:-

Mr E Currie - Cathraiche
Mr A MacDonald - Rùnaire
Mr C MacLean - Ionmhasair
Mrs J Sutherland
Mrs F MacKinnon
Mrs F MacKenzie
Ms C MacNeill

LATHA NA SGOILE

Sgoilearan	An sgoil a' fosgladh	Àm-cluich na maidne	Àm-cluiche na dinnearach	An sgoil a' dùnadh
Clas 1-3	9.15m	11 - 11.15m	12.30 - 1.30f	3.00f
Clas 4-7	9.15m	11 - 11.15m	1 - 1.45f	3.15f

Chan eil an t-Ùghdarras a' toirt seachad comhdhail fa leth airson clann aig ceann shìos na sgoile a' tòiseachadh nas anmoiche/a' crìochnachadh nas tràithe.

CLÀRADH

Bidh clann a' tòiseachadh anns an sgoil anns An Lùnastal gach bliadhna ach bidh clàradh a' gabhail àite anns An Fhaoilleach/An Gearran air ceann-latha a bhios air a shanasachadh ann am pàipearan-naidheachd ionadail do phàrantan de chloinn a dh'fhaodas tòiseachadh anns an sgoil.

Anns A' Chèitean/An t-Ògmhios bidh cothroman aig a h-uile pàiste a tha air clàradh airson Bun-sgoil Ghàidhlig Inbhir Nis pàirt a ghabhail ann am feasgar/madainn àbhaisteach ann an Clas 1. Thèid pàrantan na cloinne ùra fhiathachadh dhan sgoil far an tachair iad ri luchd-obrach a bhios a' dèiligeadh rim pàiste, chì iad roinn ceann shìos na sgoile agus faodaidh iad pàirt a ghabhail ann an còmhradh mu eagrachadh na sgoile/nan clasaichean. Gheibh pàrantan agus pàistean ùra airson na sgoil-àraich fhiathachadh airson tachairt ri luchd-obrach na sgoil-àraich agus airson seisean cluiche neo-fhoirmeil a bhith aca mus tòisich iad anns an sgoil-àraich.

Tha obair-dachaigh ga toirt seachad anns gach clas agus feumar seo a dhèanamh ro dheireadh na seachdain. Bidh caochladh de ghnìomhan air an toirt don chloinn. Tha cluba Obair Dachaigh ann airson taic a thoirt don chloinn ann an Gàidhlig.

Tha caochladh chur-seachadan a ghabhas àite taobh a-muigh latha na sgoile, nam measg tha lùth-chleasachd, rèisean monaidh, ball-coise, iomain, Dannsa Gàidhealach agus seinn.

Ro-ràdh

Is iad a' chlann a gheibh a' bhuannachd as motha às an cuid foghlaim iad sin aig a bheil pàrantan a chuireas taic ris gach oidhirp a tha iad a' dèanamh nuair a tha iad anns an sgoil. Le bhith a' dèanamh seo tha pàrantan a' brosnachadh beachd na cloinne air an sgoil agus ag obair còmhla ris an tidsear chum math gach pàiste. Tha rannsachadh a' sealltainn dhuinn gu bheil buaidh na dachaigh na phàirt suas ri 87% de dh'fhoghlam na pàiste.

CURRAICEALAM AIRSON SÀR-MHATHAIS

Chan e aon tachartas a thachras aig aon àm a th' ann an Curraicealam airson Sàr-mhathais ach cùrsa leantainneach.

Tha e cuideachd an dùil gum bi ionnsachadh ann an roinnean a' churraicealam air a thoirt còmhla fo na cinn seo:

- Na h-Ealain Follaiseach
- Slàinte agus Math
- Cànain
- Matamataig
- Foghlam Creideimh agus Moraltachd
- Saidheansan
- Cuspairean Sòisealta
- Teicneòlasan

Bidh roinnean a' churraicealaim, ionnsachadh eadar-chuspaireach, beatha na sgoile agus na coimhearsnachd agus cothroman airson euchdan pearsanta a' leasachadh comasan na chloinne nan luchd-ionnsachaidh soirbheachail, daoine misneachail, saoranaich ciallach, agus compàirtichean buadhach. Bidh an curraicealam againn fiùghantach, a' gabhail suim do dh'iomairtean ùra agus bidh e sùbailteach gu leòr gus feumalachdan gach neach-ionnsachaidh a choileanadh.

Bidh feallsanachd shoilleir stèidhichte air nithean air a bheil sinn uile a' cur luach aig a' churraicealam againn. Bidh e air a dhealbhadh airson dùbhlàn, tlachd, farsaingeachd, doimhneachd, leanntainneachd, ciall, pearsantachd agus roghainn a bhith anns an ionnsachadh aig gach pàiste. Bidh an curraicealam againn a' gabhail ri suidheachaidhean ionadail agus ri comhairle ionadail agus nàiseanta. Bidh cothroman aig sgiobaidhean agus luchd-teagaisg fa leth dòighean ùr-ghnàthach a tha air an deagh chnuasachadh a chur an gnìomh airson feumalachdan gach neach-ionnsachaidh a choileanadh.

Bi sinn ag ath-sgrùdadh agus a' leasachadh a' churraicealaim againn gu cunbhalach, agus a' gabhail suim do bheachdan agus smuaintean an luchd-ionnsachaidh agus nam pàrantan. Bidh sinn a' dealbhachadh gu cùramach, agus ann an co-bhonn ris a h-uile duine aig a bheil com-pàirt anns a' chùis, airson leasachaidhean curraicealaim, atharrachaidhean a rèir feumalachdan an luchd-ionnsachaidh, cothroman airson roghainn agus far am bi e iomchaidh speisealachd.

Cànan

Tha cànan aig fìor chridhe ionnsachadh gach pàiste. 'S ann tro chànan a bhios clann ag ionnsachadh mòran de na sgilean aca agus a' faotainn mòran den eòlas a tha aca. Mar sin, bhon Sgoil-àraich gu Clas 7 tha cudrom ga chur air na ceithir prìomh phìosan de chànan - leughadh, sgrìobhadh, èisteachd agus labhairt. Bidh clann ag ionnsachadh tuigse agus bruidhinn na Gàidhlig tro dhaoine a' bruidhinn riutha anns a' Ghàidhlig agus tro ghnìomhan cànan a leithid seinn, a' cluich gheamannan, dràma agus ag èisteachd ri sgeulachdan. 'S e bogadh a theirear ris an seo. Aon uair 's gu bheil tuigse mhath aca air a' Ghàidhlig bidh a' chlann ag ionnsachadh leughadh agus sgrìobhadh anns a' Ghàidhlig.

Tha an sgoil a' leantainn prògram Comhairle na Gàidhealtachd airson Fraingis aig ceann shuas na sgoile.

Matamataig

An cois matamataig tha taobhan àraid de dh'àireamhachd a bhithear a' leasachadh ann an matamataig agus ann gnìomhan ann an roinnean eile den churraicealam. Far an gabh e dèanamh, tha an obair matamataig ga cur ann an suidheachadh àraid agus ga dhealbhadh airson feumalachdan na cloinne a choileanadh. Tha matamataig cinn eadar-obrachail, gnìomhan practaigeach, rannsachadh, geamannan, fuasgladh cheist agus faighneachd cheist nam prìomh phàirtean den phrògram matamataig anns a h-uile clas.

Saidheans

'S e an t-amas as cudromaiche airson foghlam saidheans nàdar ceasnachail, iongnaidh agus faighneachd na cloinne a phiobrachadh, a bhrosnachadh agus a chumail.

Tha nàdar ceasnachail agus staid iongnaidh aig clann òga agus 's e luchd-ionnsachaidh dèonach agus dèanadach a th' annta agus iad a' strì do bhrìgh a dhèanamh den t-saoghal. Bidh iad a' crùthachadh bheachdan-smuain tro chluich, rannsachadh, dhèanamh agus bheachdachadh le daoine eile. Mar a dh'fhàsas iad nas sine bidh clann a' faighneachd cheistean sireach mar thoradh air na tha iad a' faicinn agus a' faireachdainn gu làitheil de nithean beò, an àrainneachd agus na stuthan, rudan agus uidheaman leis am bi iad ag eadar-obrachadh. Tha daoine òga air am beò ghlacadh le lorgan agus teicneòlasan ùra, agus tha iad a' sìor fhàs mothachail do, agus a' faireachdainn làidir mu dheidhinn, bhuidhean saidheans air an slàinte agus math fhèin, air slàinte a' choluadair agus air an àrainneachd.

Eòlas Àrainneachd/Cuspairean Sòisealta

Tha e cudromach gun tuig clann an t-àite anns a bheil iad a' còmhnaidh agus dualchas an teaghlach agus an coimhearsnachd. Tro rannsachaidhean sòisealta bidh clann a' leasachadh tuigse an t-saoghail le bhith ag ionnsachadh mu dheidhinn dhaoine eile agus an cultar ann an amannan, àiteachan agus suidheachaidhean eadar-dhealaichte, agus mar a bha an àrainneachd aca ga crùthachadh. Bidh iad ag ionnsachadh mu euchdan mac an duine agus mu ciamar a nìthear ciall de dh'atharrachaidhean, chomhstrithean agus chùisean àrainneachd. Le tuigse nas fhèarr thig an cothrom gus buaidh a bhith aca air tachartasan le bhith nan saoranaich fiosraichte agus ciallach.

Slàinte agus Math

Faodar slàinte agus math a bhrosnachadh mar thoradh air feallsanachd na sgoile air fad a thaobh brosnachadh slàinte - eacarsaich agus beathachadh. Tha structar sgoil brosnachadh slàinte againn agus tha sinn a' toirt seachad structar taice leasaichte ann a bhith ag obrachadh tron chùrsa barrantachaidh an cois an dàrna deasachadh den innleachd a tha ag amas air buaidh, fèin-mheasadh agus dòighean anns am bi a' chòimhearsnachd an sàs ann an slàinte agus math.

Teicneòlasan

Tha an roinn curraicealaim seo a' gabhail a-steach bhuilean agus fèin-fiosrachaidhean crùthachail, practaigeach a tha co-cheangailte ri obraichean ann an ceàird, dealbhachadh, iomhaighean, aodaichean fighte agus teicneòlasan fiosrachaich. Tha a h-uile neach-obrach a' cleachdadh ICT airson teagasg a dhaingneachadh agus airson ionnsachadh a bhrosnachadh agus airson taic a thoirt do dh'ionnsachadh. Tha an sgoil air a goireasachadh leis na teicneòlasan as ùire a tha ann agus tha teicneòlas fiosrachaidh ga chleachdadh airson an curraicealam a lìbhrigeadh, le clàr-geal eadar-obrachail, uidheam gun uèir agus "airliner tablets" anns gach clas a tha nan cuideachadh le ionnsachadh co-obrachail agus leasan don chlas air fad.

Na h-Ealain Follaiseach

An cois Na h-Ealain Follaiseach tha fèin-fiosrachaidhean agus builean ann an ealain agus dealbhadh, dràma, dannsa agus ceòl. Tha leasachadh corporra pàiste a' cheart cho cudromach ris an leasachadh inntinn aige/aice agus tron Fhoghlam Corporra agus Spòrs againn tha sinn a' toirt chothroman a leasaicheas co-òrdanachadh math, ag obair ann an sgioba, giùlan spòrsach agus faireachdainn airson math corporra agus slàinte. Tha cothroman aig sgoilearan a sheinn ann an coisir na sgoile agus teagasg fhaotainn air an fheadan/ air a' phìob mhòir agus air ionnsramaidean-ciùil teudach. Tha teagasg air ionnsramaidean teudach/pràis ga thabhann an dèidh deuchainn comais. Tha luchd-ciùil Fèis Rois ag obair le sgoilearan Clas 5 air òrain agus cultar dùthchasach na h-Alba agus tha Clas 4 a' faighinn leasain Codaly.

Foghlam Creideimh agus Moraltachd

An lùib foghlam creideimh agus moraltachd bidh a' chlann ag ionnsachadh mu Chrìosdaidheachd agus creideamhan eile an t-saoghail, agus tha e cuideachd a' cumail taic ri leasachadh creideamhan agus beusan na cloinne. Cuideachd, tha cuibhreann de sgrùdadh feallsanachail na chois. Gheibh a' chlann foghlam creideimh agus moraltachd tro shealladh coimhearsnachd creideimh na sgoile.

Tha curraicealam Foghlam Creideimh agus Moraltachd ag amas air meas agus tuigse a bhith aig a' chloinn do chreideamhan eile a chionn 's gur e sgoil eadar-chreideamh a tha seo. Tha ministearan eaglaise le Gàidhlig a' toirt taic don phrògram foghlam creideimh againn le bhith a' tadhal air an sgoil. Tha co-chruinneachadh seachdaineach ga chumail airson a h-uile pàiste anns an sgoil. Thathas a' brosnachadh agus a' leasachadh bheusan freagarrach agus thathas a' toirt air a' chloinn uallach a ghabhail air an son fhèin agus mar choimhearsnachd de sgoilearan. Tha gnìomhan air a' chuspair seo a' cuideachadh sgoilearan ann a bhith a' cur luach air beusan a leithid firinn, cothromachd, spèis do chàch agus a' leasachadh riaghailtean giùlain pearsanta dhaibh fhèin. Faodaidh pàrantan iarraidh gun tèid am pàiste a thoirt às a' phrògram Foghlam Creideimh agus Moraltachd.

CUSPAIREAN-TARSAINN AGUS RANNSACHADH EADAR-CHUSPAIREACH

Ann a bhith ag amas air curraicealam fiùghantach agus tarraingeach a thoirt seachad, tha luchd-obrach air a bhith a' cleachdadh cuspairean-tarsainn far an gabh sin a dhèanamh. Is iad eisimpleirean dhiubh seo slàinte agus math, iomairt, buanachadh, saoranachd, cultar agus dualchas.

Tha sinn nar Sgoil Brosnachadh Slàinte agus tha sinn air a' chiad bratach uaine fhaighinn mar Eag-sgoil.

Bidh dòighean-obrach ùra na sgoil mu choinneamh obair eadar-chuspaireach ag amas air slàinte agus math agus foghlam airson buanachadh gu h-àraid. Bidh a h-uile clas a' dèanamh co-dhiu dà uair a thìde de eacarsaich corporra gach seachdain.

Bu chòir buannachd bhon churraicealam againn a leigeil le gach neach-ionnsachaidh buannachadh bhon fhoghlam aca agus taic a thoirt dhaibh ann an caochladh dhòighean airson a dhèanamh cho math 's as urrainn dhaibh. Tha sinn airson farsaingeachd de thachartasan a thoirt seachad a bhrosnaicheas ionnsachadh gnìomhachail agus a bheir air luchd-ionnsachaidh smaoineachadh. Feumaidh e comas a thoirt don a h-uile sgoilear bunait làidir de dh'èòlas a thogail agus dealas do bhreithneachadh suimeil agus dol a-mach beusach a chrùthachadh.

Is e ar miann comasan na cloinne a leasachadh nan luchd-ionnsachaidh soirbheachail, daoine misneachail, saoranaich ciallach, agus compàirtichean buadhach.

MEASADH, CLÀRADH AGUS PÀIRTEACHADH

'S e tha ann am measadh dòighean anns a bheil fiosrachadh ga chruinneachadh a leigeas le luchd-teagaisg, sgoilearan agus pàrantan dealbh cheart a dhèanamh de na tha pàiste a' coileanadh mu choinneamh na thathas a' sùileachadh bhuaithe/bhuaipe. Thèid co-dhùnaidhean airson na h-ath-cheumanan teagaisg a dhealbhadh on choimeas seo. Tha luchd-teagaisg a' measadh adhartas ann an caochladh dhòighean. Nam measg tha, a' sealltainn air sgoilearan ag obrachadh, a' bruidhinn riutha mun obair aca, a' bruidhinn riutha mu na Planaichean Ionnsachaidh Pearsanta aca agus a' toirt dhaibh gnìomhan àraid.

Tha aithisgean air adhartas sgoilearan nam pàirt cudromach den chonaltradh eadar an dachaigh agus an sgoil. Is iad na leanas conaltradh foirmeil airson pàrantan:

Teirm 1:	Feasgar fosgailte airson coinneachadh ri neach-teagaisg
Teirm 2 agus 3:	Coinneamh foirmeil 1-1 le pàrantan/neach-teagaisg
Teirm 4:	Feasgar fosgailte Aithisg foirmeil deireadh an t-seisein.

Bidh an aithisg seo a' toirt tuairisgeul air adhartas do phàiste anns an fharsaingeachd agus ag innse nan ath-cheuman anns an ionnsachadh aca.

Bheir coinneamhan foirmeil cothrom do phàrantan bruidhinn mu adhartas am pàiste le neach-teagaisg a' chlas. A bharrachd air seo tha pàrantan di-beathte coinneamh a chur air dòigh a thighinn don sgoil airson bruidhinn mu ghnòthach sam bith a tha na uallach dhaibh.

Ma tha ur pàiste a' strì le duilgheadasan ionnsachaidh tha e gu math cudromach gum faigh e/i cuideachadh cho tràth 's a ghabhas. Anns a' mhòr chuid de shuidheachaidhean gheibh ur pàiste cuideachadh bho luchd-taic na sgoile. Ach ann an suidheachaidhean àraid math dh'fhaoidte gun iarr an sgoil ur cead airson eòlaiche-inntinn foghlaim a thoirt an sàs airson measadh neo-eisimealach a dhèanamh. Bidh pàrantan an sàs ann an dèanamh thargaidean agus ath-sgrùdadh adhartais.

Rè measadh foirmeil, thèid tuairisgeul slàn de dh'fheumalachdan foghlaim ur pàiste a thoirt seachad. Tha còir agaibh a bhith an sàs anns a' mheasadh seo aig a h-uile ìre. An dèidh a' mheasaidh ma tha an t-ùghdarras a' creidsinn gu bheil feumalachdan mòra aig ur pàiste, sgrìobhaidh an t-ùghdarras sgrìobhainn air a bheil "Plana Taice Co-òrdanaichte" airson ur pàiste. Tha seo a' dèanamh soilleir an taic a bu chòir ur pàiste fhaotainn.

DÀIMH RI PÀRANTAN

Tha an sgoil a' cur luach air co-obrachadh agus taic phàrantan, agus nì sinn ar dìcheall cumail oirnn a' daingneachadh chairdeasan le pàrantan le bhith gan toirt a-steach cho mòr 's as urrainn dhuinn ann am beatha na sgoile. Is toil leinn conaltradh le pàrantan agus a bharrachd air na coinneamhan phàrantan "traidiseanta" tha coinneamhan gan cumail airson dè agus ciamar a tha clann ag ionnsachadh a mhìneachadh. Faodaidh pàrantan coinneamh iarraidh le luchd-teagaisg air neo leis a' phrìomh luchd-obrach. Bhiomaid nur comain nan dèanadh sibh coinneamh ron àm le bhith a' cur fòn chun na sgoile (Fòn: 725980). Tha buidhnean-obrach air an cur air dòigh airson phàrantan air a leithid Matamataig, Leughadh, an Sgoil-àraich agus Bliadhnaichean tràth na bun-sgoile.

Tha sinn gu mòr an comain an taice a tha Comhairle nam Pàrantan a' toirt seachad, a bharrachd air an cuideachadh a tha pàrantan a' toirt dhuinn le cur-seachadan taobh a-muigh na sgoile, tursan sgoile agus gnìomhan practaigeach rè latha na sgoile.

Math dh'fhaoidte gur e an rud as cudromaiche as urrainn pàrant a dhèanamh ùidh a ghabhail ann an adhartas am pàiste anns an sgoil le bhith gam brosnachadh ri obair chruaidh agus a' daingneachadh dhaibh gu bheil na thathas ag ionnsachadh san sgoil freagarrach agus feumail. Thèid Cliathan Ro-shealladh an Teirm a thoirt do phàrantan aig toiseach gach teirm. Seallaidh na cliathan na prìomh phuingeann a bhithear a' teagasg air an teirm sin anns gach roinn den churraicealam.

Anns a' mhòr chuid, bidh obair-dachaigh a' daingneachadh obair a bha air a dhèanamh anns an sgoil mar-thà.

FRITHEALADH

Thathas an dùil gun ruig clann an sgoil ann an àm airson toiseach latha na sgoile agus ma tha iad air deireadh gu bitheanta bidh seo air a chlàradh. Tha frithealadh na sgoile riatanach anns an lagh. Mur a h-eil frithealadh aig ìre a bu chòir cuiridh sinn fios air pàrantan. Mura tig piseach air frithealadh pàiste faodaidh sinn a' chùis a thoirt do dh'Oifis Foghlaim na Sgìre agus aig a' cheann thall dh'fhaodadh a' chùis a dhol gu panal na cloinne.

Airson 's gum bi fios aig an sgoil agus aig pàrantan daonnan far a bheil pàiste, feumaidh pàrantan innis do dh'oifis na sgoile ro 10.00m gach latha ma tha am pàiste gu bhith far na sgoile.

Feumaidh pàrantan sgrìobhadh gu Ceannard na Sgoile le gach iarrtas airson pàiste a thoirt às an sgoile rè àm an teirm. Feumaidh iad fiosrachadh slàn a thoirt seachad air na h-uairean, cinn-latha agus adhbhar airson pàiste a thoirt às an sgoil.

TINNEAS TRON LATHA

Ma bhios sgoilear a' faireachdainn tinn anns an sgoil, air neo ma tha sgoilear air a ghortachadh aig àm-cluiche, cuiridh sinn fios air pàrantan sa bhad. Ma tha e coltach gum feum pàiste cobhair mheidigeach èiginneach agus chan urrainn dhuinn fios a chur gu pàrant air an àireamh-fòn èiginneach aca bheir sinne am pàiste gu Roinn Tubaist agus Èiginn Ospadal an Reig Mhòir. Thèid cuideigin bhon sgoil còmhla ris a' phàiste agus cùmaidh oifis na sgoile oirre a' feuchainn ri fios a chur gu pàrantan a' phàiste. Mar sin, tha e gu math riatanach gum bi fios ceart aig an sgoil air na h-àireamhan-fòn èiginneach aig pàrantan.

A' BROSACHADH MODH MATH

Thathas a' brosnachadh a h-uile pàiste a bhith gan giùlan fhèin gu modhail, dòigheil, spèis a thoirt do dh'inbhich agus clann eile agus moit a bhith aca annta fhèin agus anns an sgoil.

Thèid bruidhinn ri clann mu dhuilgheadasan sam bith, agus thathas a' cuideachadh clann a bhith:

- Ag èisteachd ri chèile
- A' mìneachadh buaidh na rinn iad air daoine eile
- A' gabhail uallach airson na rinn iad
- Ag aithneachadh nan robh iad air rudeigin a dhèanamh ann an dòigh eile gum faodadh buil eile air a bhith ann
- A' dèanamh rudeigin eile an ath-thuras a chuidicheas an suidheachadh

Gheibh clann duaisean airson giùlan math le caochladh de dhuaisen, nam measg, Puingean Taighe, stampaichean agus stiogairean, teisteanasan agus càirtean buidhe agus òir. Tha soirbheachadh àraid ga chomharrachadh aig Co-chruinneachaidhean far am bi teisteanasan agus Càirtean Buidhe/Càirtean Òir gan toirt seachad agus tha Puingean Taighe air an nochdadh don sgoil gu lèir gach seachdain air an sgrìon mhòr plasma anns an trannsa. Ma tha duilgheadas aig pàiste len giùlan air neo le leantainn riaghailtean na sgoile tha poileasaidh aig an sgoil airson daingneachadh giùlan dòigheil a tha air a dhealbhadh airson taic a thoirt do chloinn. Tha e cudromach gun cùm sinn oirnn a' toirt fiosrachadh do phàrantan mu ghiùlan am pàiste anns an sgoil.

POILEASaidH AIR BURRAIDHEACHD

'S e tha ann am burraidheachd "giùlan uair is uair, a dh'aon ghnòthach, a chleachdas cumhachd airson eagal, cràdh air neo mi-thoileachas adhbharachadh ann an daoine eile".

Ma tha burraidheachd air aithris feumaidh am burraidh a thuigsinn nach eil an giùlan seo ceart air neo freagarrach. A bharrachd air am mi-thoilicheas a nochdadh, bu chòir na h-inbhich (pàrantan agus luchd-obrach) obrachadh còmhla ris a' bhurraidh agus beachdachadh air diofar dhòighean anns am faod iad fhèin a ghiùlan. Tha gach tachartas burraidheachd air a chlàradh ann an Leabhar-cunntais Thachartasan. Bu chòir pàrantan innse don sgoil sa bhad ma gheibh iad a-mach mu thachartas sam bith a dh'fhaodadh a bhith air a mheas mar bhurraidheachd. Thathas a' brosnachadh na cloinne innse mu dheidhinn agus beachdachadh air draghan air neo duilgheadasan a tha aca a thaobh burraidheachd leis an neach-teagaisg aca, air neo le inbheach sam bith anns a bheil earbsa aca, cho luath 's a ghabhas.

AODACH-SGOILE

Tha sinn gu mòr airson gum bi a' chlann a' cur aodach-sgoile orra agus tha sinn a' cur fàilte air taic phàrantan airson còd aodach na sgoile. Chaidh mòran bheachdan a chur air adhart rè a' cho-chomhairleachaidh agus mu dheireadh thall chaidh na dathan uaine agus purpaidh a thaghadh. Chuir a' chlann caochladh de dhealbhan a-staigh agus mu dheireadh thall 's e seòrsa fòghnan a chaidh a thaghadh mar shuaicheantas na sgoile. Chaidh gabhail ris an t-seann fhacal "An t-ionnsachadh òg, an t-ionnsachadh bòidheach" mar fhacail-shuaicheantais na sgoile. Tha an t-aodach a tha na phàirt de dh'aodach-sgoile anns an liost gu h-ìosal. Faodaidh lèintean-spòrs, lèintean-polo, seacaidean-blàth, seachdainean dà thaobhach, agus adan le suaicheantas na sgoile an òrdachadh aig oifis na sgoile.

Nigheanan

Briogais/sgiort dhubh/ghlas
Lèine-polo phurpaidh
Lèine-spòrs uaine
Seacaid-bhlàth uaine
Seacaid dà-thaobhach phurpaidh/uaine

Balaich

Briogais dhubh/ghlas
Lèine-polo phurpaidh
Lèine-spòrs uaine
Seacaid-bhlàth uaine
Seacaid dà-thaobhach phurpaidh/uaine

Faodaidh an t-aodach-sgoile air fad òrdachadh agus a thogail aig an sgoil. Tha fiosrachadh mu phrìsean agus mheudan air bileag-òrdachaidh an aodaich-sgoile a gheibhear bho oifis na sgoile. Airson an togalach a dhìon bu chòir brògan a-staigh a bhith aig a h-uile pàiste (me, brògan-trèanaidh air neo brògan boga) a chùmar anns an

sgoil. Thathas a' moladh gum bi brògan boga gun bharallan aig clann nas òige, me, brògan boga le ceanglaichean bhelcro air neo brògan a dh'fhaodas pàiste a tharraing air an casan.

AODACH CLEASACHD

Feumaidh an t-aodach a leanas a bhith air pàiste airson cleasachd:

- | | | |
|-----------|---|--|
| Nigheanan | - | Briogais ghoirid, lèine-T/polo phurpaidh, brògan cleasachd |
| Balaich | - | Briogais ghoirid, lèine-T/polo phurpaidh, brògan cleasachd |
| Brògan | - | Brògan cleasachd (air am fàgail anns an sgoil agus air an cur anns na clasaichean) |

Airson adhbhair slàinte agus sàbhailteachd, chan fhaod fainneachan-cluaise air neo seudraidh eile a bhith air pàiste aig àm cleasachd. Chan eil deiseachan-spòrs nam pàirt de dh'aodach na sgoile. Faodaidh brògan cleasachd am fàgail anns an sgoil rè na teirm agus faodaidh an cleachdadh anns a' chòrr den sgoil (faic gu h-àrd).

RUDAN LUACHMHOR

Tha uallach air gach sgoilear airson na rudan luachmhor aca fhèin, agus an seudraidh aca. Chan urrainn luchd-obrach uallach a ghabhail uair sam bith air an son seo, gu h-àraid aig àm cleasachd. Cha bu chòir airgead fhàgail ann am бага air neo pocaid uair sam bith nuair nach eil duine faisg orra. Cuideachd chan fhaod fòn-làimhe a chleachdadh anns an sgoil idir. Ma tha pàrant airson gum bi fòn-làimhe aig pàiste aig deireadh an latha-sgoile, feumar am fòn-làimhe a thoirt do neach-teagaisg aig toiseach an latha agus a thogail a-rithist aig deireadh an latha sgoile.

DINNEARAN SGOILE

Tha dinnear sgoile a' cosg £1.75 gach latha agus bidh pàigheadh airson na seachdain (air neo mìos/teirm) air a chruinneachadh le luchd-obrach cidsin na sgoile air a' chiad latha de gach seachdain.

Faodaidh foirmichean tagraidh airson Dinnearan sgoile an-asgaidh agus Tabhartas aodaich airson na bliadhna sgoile an togail bho oifis na sgoile neo am faighinn air loidhne.

BOGSAICHEAN BIDHE/UISGE

Air adhbharan slàinte, slàinteachas agus sàbhailteachd tha an t-ùghdarras a' moladh na leanas:

1. Feumaidh biadh sam bith a ghiùlan ann an soitheach leth-chruaidh le ceann a cheanglaichear, me. Tupperware, tuba uachdar-reòithe air neo rudeigin den aon seòrsa. Bu chòir soithichean agus cinn a bhith air an comharrachadh gu soilleir le ainm an sgoileir.
2. Chan eil botail air neo soithichean glainne ceadaichte fo Riaghailtean Slàinte agus Sàbhailteachd.
3. Air sàilleibh cunnart losgaidh chan fhaodar flasgan le lionn teth a thoirt don sgoil.
4. Chan fhaodar deochan gasach ann an canastairean air neo botail a thoirt don sgoil air sàilleabh nan cunnartasan a tha nan cois.
5. **Feumar biadh ann am bogsaichean bidhe ithe anns an t-seòmar-ithe.**

Tha uisge fuar airson òl ri fhaotain aig an sgoil agus faodaidh a' chlann na botail uisge aca fhèin a lionadh gach latha. Faodaidh a' chlann na botail aca a thoirt dhachaigh gach feasgar airson an nìghe aig an taigh.

CO-CHEANGLAICHEAN RI ÀRD-SGOILTEAN

Ged as e Acadamaidh Rìoghail Inbhir Nis an àrd-sgoil a thathas a' moladh airson sgoilearan meadhan-Ghàidhlig, faodaidh tu, mar phàrant, àrd-sgoil do roghainn fhèin a roghnachadh, ged a tha cùmhnantan àraid mu choinneamh seo. Tha litrichean oifigeil mu na thathas a' cur air dòigh a thaobh a' ghluasaid chun na h-àrd-sgoile air an cur gu gach teaghlach anns An Fhaoilleach.

Àrd-sgoiltean Ionadail:

Sgoil	Ceannard	Àireamh-fòn
Acadamaidh Rìoghail Inbhir Nis	Mgr A Mckinlay	01463 222884
Acadamaidh Bhaile Theàrlaich	Mgr C O'Neill	01463 234324
Acadamaidh Chùil-lodair	Mgr S Dowds	01463 790851
Àrd-sgoil Inbhir Nis	Mgr R Coineagan	01463 233586
Acadamaidh Allt a' Mhuilinn	A' Bh-Uas D Thornton	01463 233573

Òrdachadh airson gluasad gu àrd-sgoil:

1. Tha clàr gluasaid air a chur chun na h-Àrd-sgoile.
2. Tha coinneamh air a cumail eadar luchd-teagaisg na Bun-sgoile agus na h-Àrd-sgoile.
3. Tadhlaidh Luchd-teagaisg Stiùiridh AS1 air Bun-sgoil Ghàidhlig Inbhir Nis.
4. Thèid na sgoilearan fhiathachadh a thadhal air an Àrd-sgoil aca.
5. Thèid clann le duilgheadasan ionnsachaidh fhaicinn le luchd-teagaisg Taic Ionnsachaidh na h-Àrd-sgoile mus tòisich iad.

ÀS DÈIDH NA SGOILE/COMATAIDH RIANACHD

Tha an Talla, Seòmar nam Pàrantan agus cuid de na seòmraichean-teagaisg rim faotainn air màl taobh a-muigh uairean na sgoile agus tha BSGI na fòcas airson buidhnean coimhearsnachd Ghàidhlig Inbhir Nis. Tha comataidh rianachd a' coinneachadh gu cunbhalach agus tha e a' sealltainn ri gnothaichean coimhearsnachd na sgoile, an cois sin tha a' leigeil ghoireasan a-mach air màl, agus an-dràsta 's i Dolina Ghrannnd, Oifigear Ionnsachadh Coimhearsnachd agus Leasachaidh airson roinn an Fhoghlaim, Cultair agus Spòrs, a tha stèidhichte aig an sgoil. Thathas an dòchas an taic bho Ionnsachadh agus Cur-seachad Coimhearsnachd a leudachadh gus gnothaichean coimhearsnachd na sgoile a leasachadh gu ìre eile a rèir Plana Gàidhlig na Comhairle.

MIOSACHAN NA BLIADHNA 2011-12

Tha an clàr a' leanas a toirt dhuibh deitichean na teirmean airson an seisean 2011-2012

FOSGAILTE	DÙINTE
Diluain 15 An Lùnastal 2011 (luchd-obrach a-mhàin)	
Dimàirt 16 An Lùnastal 2011 (sgoilearan)	Dihaoine 7 An Dàmhair 2011
Diluain 24 An Dàmhair 2011 (luchd-obrach a-mhàin) Dimàirt 25 An Dàmhair 2011 (sgoilearan)	Diardaoin 22 An Dùbhlachd 2011
Diluain 9 An Faoilleach 2012	Dihaoine 30 An Màrt 2012
Dimàirt 17 An Giblean 2012	Dihaoine 29 An t-òg Mhìos 2012

Nòtaichean:

1. Laithean saora air Dihaoine na Caisge (6 An Giblean 2012), Diluain na Caisge (9 An Giblean 2012), Là Bealltainn - Diluain (7 An Cèitean 2012).
2. 2 latha saor - Diluain 13 An Gearran agus Dimàirt 14 An Gearran 2012.

Dùnaidhean Sgìre na Gàidhealtachd airson Làithean In-sheirbhis:

- A' chiad latha air ais as dèidh laithean-saora an t-samhraidh - Diluain 15 Lùnastal 2011
- A' chiad latha air ais as dèidh laithean-saora An Dàmhair- Diluain 24 An Dàmhair 2011
- Trì laithean as dèidh laithean saora a Ghearain - Diciadain, Diardaoin agus Dihaoine, 15, 16, agus 17 An Gearran 2012

**BUN-SGOIL GHÀIDHLIG INBHIR NIS
SEIRBHEIS FIOSRACHADH FÒN - STIÙIREADH DO PHÀRANTAN**

Tha seirbhis aig sgoiltean a-nis far am faodar fònadh airson fiosrachadh ma tha cunnart ann gum feum a dùnadh ri linn droch shìde. Tha seo a' leigeil le pàrantan èisteachd ri teachdaireachd chlàraichte bho Cheannard na Sgoile.

Nuair a gheibh sinn rabhadh mu fhìor dhroch shìde nì sinn ar dìcheall an siostam seo a chumail suas chun a' mhionaid. 'S e leasachadh a tha seo air an t-seirbhis a tha ann an-dràsta agus chan eil seo a' dol an àite dòighean a tha an an-dràsta airson fiosrachadh a thoirt seachad, me air an rèidio, a tha air an comharrachadh ann an Stiùireadh airson Droch Shìde nan sgoiltean.

Tha feartan eile na seirbhis a dh'fhaodadh a bhith ann air an cur sìos gu h-ìosal. (Cuimhnich, 's e seirbhis 0870 a tha seo le cosgaisean beagan nas àirde na an àbhaist. Ach, air an làimh eile cha bhì agad ri feitheamh agus cha bu chòir dhut a bhith nas fhaide na 1 mhionaid air a' fòn.)

Mar a chleachdar an seirbhis:

- Cuiribh fòn gu àireamh intrigidh Comhairle na Gàidhealtachd - 0870 054 6999
- Cuiribh a-staigh àireamh àraid na sgoile 04 3280
Bidh 2 chothrom agaibh àireamh na sgoil (04 3280) a chur a-staigh agus thèid ur gearradh dheth an dèidh an dàrna uair a dh'fhailleachas oirbh. Ma thachras seo dèanaibh cinnteach gu bheil an àireamh ceart agaibh agus feuchaibh a-rithist. Mura faigh sibh troimhe an turas seo cuiribh fios air an sgoil.
- Cluinnidh sibh ainm na sgoile. Dèanaibh cinnteach gu bheil seo ceart mus lean sibh air adhart.
- Thèid ur thoirt chun a' phrìomh chlàr-iùil far am bi 4 roghainnean agaibh:

Brùth 1 airson teachdaireachd na sgoile agaibhsa mun droch shìde, mar eisimpleir, am bi an sgoil a' dùnadh gus nach bi air neo a bheil buaidh aig an droch shìde air comhdhail na sgoile.

Brùth 4 airson an àireamh aig sgoil eile anns an ùghdarras a chur a-staigh. Math dh'fhaoidte gum bi clann aig pàrantan a bhios a' frithealadh sgoiltean eile. Tha an roghainn seo a' toirt cothrom dhuibh gluasad bhon teachdaireachd aig aon sgoil gu teachdaireachd sgoile eile gun a bhith agaibh ri fònadh a-rithist.

A' CLEACHDADH FHEARTAN EILE

Brùth 2 airson teachdaireachd NACH EIL tuilleadh is cudromach a chur chun na sgoile. Chan eil sinn a' moladh na seirbhis seo do phàrantan. Na fàgaibh teachdaireachd cudromach a chionn chan fhaod an sgoile a bhith cinnteach gun togar an teachdaireachd luath gu leòr airson rudeigin a dhèanamh mu deidhinn. Airson teachdaireachd chudromach dèanaibh cinnteach gum bruidhinn sibh ri neach-obrach sgoile.

Brùth 3 airson teachdairean fiosrachaidh san fharsaingeachd a chluinntinn.

Math dh'fhaoidte gun cleachd an sgoil an siostam seo mar mheadhan airson tuilleadh fiosrachaidh mu thachartasan sgoile a thoirt seachad, me, busaichean a' tilleadh bho thursan sgoile. Cluinnear suas ri 10 teachdairean gu lèir leis an fheadhainn as ùire rin cluinntinn an toiseach.

Airson sgoilearan a' cleachdadh comhdhail na sgoile

- Bu chòir pàrantan innse don chloinn aca dè cho fada 's a bu chòir dhaibh feitheamh ris a' chomhdhail aca aig an àite-togail aca. Bidh seo a rèir na sìde agus na tha ann dè dh'fhasgadh aig an àite-togail. Ann an droch shìde chan eilear an dùil gum feith sgoilear nas fhaide na fichead mionaid an dèidh na h-uarach àbhaistiche airson an togail.
- Bu chòir fios a bhith aig pàrantan air an eadar-dhealachadh eadar carabadan cùmhnaint agus carabadan na seirbhis poblaiche. Thathas a' moladh do dhràibhearan charabadan cùmhnaint gun a bhith a' leigil sìos clann ma tha teagamh sam bith ann nach ruig a' chlann air an dachaigh air neo àite fasgaidh eile. Feumaidh dràibhearan charabadan seirbhis poblach a chumail ris na slighean àbhaisteach aca agus chan urrainn dhaibh solarachadh àraid a dhèanamh do sgoilearan fa leth.
- Nuair a tha uallach air pàrantan mun droch shìde aig àite-leigeil sìos bu chòir dhaibh fios a chur air an sgoil cho tràth 's a ghabhas.

Nuair a tha droch shìde ann bu chòir pàrantan cur air dòigh gun coinnich cuideigin ris a' chloinn aca aig àite-leigeil sìos, gu h-àraid far an e comhdhail na seirbhis poblaiche a thathas a' cleachdadh.

Tha làrach-lìn airson sìde gheamhraidh aig Seirbhis an Fhoghlaim, a' Chultair agus an Spors agus faodaidh pàrantan seo a leughadh aig an taigh airson fiosrachadh mu sgoiltean dùinte fhaotainn. Tha ceanglaichean chun na làraich-lìn seo air làrach-lìn Comhairle na Gàidhealtachd agus làrach-lìn Coimhearsnachd Ionnsachadh Air-loidhne na Gàidhealtachd. Gheibhear gu làrach-lìn na sìde gheamhraidh air an t-seòladh-lìn a leanas:

www.winter.highlandschools.org.uk Cliog air an sgìre a bhuineas dhuibh fhèin airson fiosrachadh mu na sgoiltean ionadail a tha dùinte.

Tha làrach-lìn na sìde gheamhraidh a' leigeil le pàrant fiosrachadh mu sgoiltean dùinte fhaotainn air an eadar-lìn agus mar sin a' lughdachadh na thathas a' cur gu feum

siostam an àireamh PIN. Ach cuimhnichibh gum bi sgoiltean fhathast a' cur fiosrachadh às ùr air goireas na h-àireimhe PIN cuideachd, a bharrachd air an làraich-lìn ùir. 'S e ar n-amas fiosrachadh soilleir a thaobh dùnadh sgoiltean a thoirt do phàrantan ri linn droch shìde. Mholamaid a-rèisde gun cleachd sibh siostam na h-àireimh PIN air neo làrach-lìn na sìde gheamhraidh ùr mar phàirt den t-siostam leudaichte fiosrachadh na sìde gheamhraidh. Cuimhnichibh gum bi na stèisean rèidio ionadail, faic gu h-ìosal, fhathast a' toirt seachad cunntasan cunbhalach air sìde gheamhraidh mu choinneamh dùnadh sgoiltean.

BBC Rèidio nan Gàidheal

6.55m - 7.00m 7.50m - 8.00m

12.55f - 1.00f 4.55f - 5.00f

Moray Firth Radio

Mar as trice bidh fiosrachadh mun t-sìde, staid nan rathaidean agus dùnadh sgoiltean air na cunntasan naidheachd gach uair agus gach leth-uair. Ann am fìor dhroch shìde thèid briseadh a-steach air prògram àbhaisteach nas trice na seo airson fiosrachadh èiginneach a thoirt seachad. **Na cuiribh fòn gu na stèisean rèidio ionadail airson comhairle fhaotainn ach èistibh airson fiosrachadh a bhuineas ris an t-suidheachadh agaibh.**

Far an gabh sin dhèanamh thèid co-dhùnadh mu dhùnadh na sgoile a dhèanamh ro 8.00m ach cuimhnichibh gum feum luchd-obrach fhathast siubhal don sgoil airson an co-dhùnadh sin a dhèanamh.

Feumar cuimhnicheach gur e dleastanas phàrantan agus luchd-cùraim an co-dhùnadh a dhèanamh air am bu chòir pàiste oidhirp a dhèanamh siubhal don sgoile, air comhdhail na sgoile air neo a' coiseachd, ann an droch shìde. Tha Ùghdarras an Fhoghlaim a' feuchainn ri làn-fhrithealadh a bhrosnachadh ach ann an droch shìde 's e sàbhailteachd chloinne am prìomh smuain. Bu chòir pàrantan leantainn orra an cuid breithneachaidh fhèin a dhèanamh ann a bhith a' ruighinn co-dhùnadh air a bheil e sàbhailte pàiste a chur chun na sgoile.